

潘岳傳

潘岳字安仁滎陽中牟人也祖瑾安平太守父茝琅  
邪內史岳少以才穎見稱鄉邑號爲奇童謂終終之  
儔也早辟司空太尉府舉秀才太始中武帝躬耕籍  
田岳作賦以美其事岳才名冠世爲衆所疾遂栖遲  
十年出爲河陽令負其才而鬱鬱不得志時尚書僕  
射山濤領吏部王濟裴楷等並爲帝所親遇岳內非  
之乃題閣道爲謠曰閣道東有大牛王濟鞅裴楷韉  
和嶠刺促不得休轉懷令時以逆旅逐末廢農奸淫

亡命多所依湊敗亂法度勅當除之十里一官攤使  
老小貧戶守之又 吏掌主依客舍收錢岳上其議  
朝廷從之岳頻宰二邑勤于政績調補尚書度支郎  
遷廷尉平以公事勉楊駿輔政高選吏佐引岳爲太  
傅主簿駿誅除名初譙人公孫宏少孤貧客田于河  
陽善鼓琴頗屬文岳之爲河陽令愛其才藝待之甚  
厚至是宏爲楚王瑋長史專殺生之政時駿綱紀皆  
當從坐同署王簿朱振已就戮岳其夕取急在外宏  
言之瑋謂之假吏故得免未幾選爲長安令作西征  
賦述所經人物山水文請旨詣辭多不錄徵補博士  
未召以母疾輒去官免尋爲著作郎轉散騎侍郎岳  
性輕躁趨世利與石崇等諂事賈謐每候其出與崇  
輒望塵而拜搆愍懷之文岳之辭也謐二十四友岳  
爲其首謐晉書限斷亦岳之詞也其母數誚之曰爾  
當知足而乾沒不已乎而岳終不能改既仕宦不達  
乃作閑居賦初芘爲瑯邪內史孫秀爲小史給岳而  
狡黠自喜岳惡其爲人數撻辱之秀常街忿及趙王  
倫輔政秀爲中書令岳于省內謂秀曰孫令猶憶疇

昔周旋不荅曰中心藏之何日亡之岳于是自知不免俄而秀遂誣岳及石崇歐陽建謀奉淮南王允齊王問爲亂誅之夷三族岳將詣市與母別曰負阿母初被收俱不相知石崇已送在市岳後至崇謂之曰安仁卿亦復爾邪岳曰可謂白首同所歸岳金谷詩云投分寄石友白首同所歸乃成其讖岳母及兄侍御史釋弟燕令豹司徒掾據據弟說兄弟之子已出之女無長幼一時被害唯釋子伯武逃難得免而豹女與其母相抱號呼不可解會詔原之岳美姿儀解藻絕麗尤善爲哀誄之文少時常挾彈出洛陽道婦人遇之者皆連手縈繞投之以果遂滿車而歸時張載甚醜每行小兒以瓦石擲之委頓而反

潘黃門集目錄

卷一

賦一

西征賦


卷二

賦二

籍田賦

秋興賦 并序

閑居賦 并序



悼亡賦 類聚三十四

懷舊賦 并序

寡婦賦 并序

卷三

賦三

登虎牢山賦 類聚七

滄海賦 類聚八

狹室賦 類聚六十四

笙賦

相風賦 類聚六十八

射雉賦 并序

螢火賦 類聚九十七

河陽庭前安石榴賦 并序 類聚八十六

橘賦 并序 類聚八十六

蓮花賦 類聚八十二

芙蓉賦 同上

秋菊賦 類聚八十二

卷四

香齋月集

詩四

關中詩十六首

為賈謐作贈陸機詩十一首

家風詩一首

於賈謐坐講漢書詩一首

送別王世胄詩二首

離合詩一首

詩五言

金谷集作詩一首

河陽縣作詩二首

在懷縣作詩二首

內顧詩二首

悼亡詩三首

哀詩一首

思子詩一首

閣柱謠一首

卷五

議頌箴贊訓誅

九品議

上客舍議

許由頌

荅新婚箴

故太常任府君畫贊

兩家銅人訓

楊荊州誄 并序

楊仲武誄 并序

夏侯常侍誄 并序

馬河督誄 并序

卷六

誄 哀文 哀辭 碑 吊祭

世祖武皇帝誄

南陽長公主誄

皇女誄

太宰象武公誄

宜城宣帝誄

庾尚書誄

景獻皇后哀策文

哀永逝文

為楊長文作弟仲武哀祝文

哭弟文

傷弱子辭 并序

金鹿哀辭

陽城劉氏妹哀辭

悲邢生辭

京陵女公主王氏哀辭

為任子咸妻作孤女澤蘭哀辭 并序

司空鄭衮碑 并序

荊州刺史東武戴侯楊使君碑

弔孟嘗君文

為諸婦祭庾新婦文

安仁集無專刻本取文選藝文類聚太平御覽合

校卷中謬奪得以正定此集差可詢矣

戊寅九月初七夜截園考人記



潘黃門集卷第一

晉 東牟潘 岳著

明 河東呂兆禧校

賦一

西征賦

此賦據六朝人卷子本抄

歲次玄枵月旅蕤賓丙丁統日乙未御辰潘子憑軾  
西征自京徂秦迺喟然嘆曰古往今來邈矣悠哉寥  
廓忽悅化一氣而甄三才此三才者天地人道唯生  
與位謂之大寶生有脩短之命位有通塞之遇鬼神

莫能要聖智弗能豫當休明之盛世今託菲薄之陋  
質納旌弓於鉉台讚庶績於帝室嗟鄙夫之常累固  
既得而患失無柳季之直道佐士師而三黜武皇忽  
其升遐八音遏於四海天子寢於諒闇今百官聽於  
冢宰彼負荷之殊重今雖伊周其猶殆窺七貴於漢  
庭疇一姓之或在無危明以安位祇居逼以示專陷  
亂逆以受戮匪降禍之自天孔隨時以行藏遽與國  
而卷舒苟蔽微以繆章患過辟之未遠悟山潛之逸  
士卓長往而不反陋吾人之拘攣飄萍浮而蓬轉寮

位儻其隆替名節灌以隳落危素卵之累殼甚玄鷲  
之巢慕心戰懼以兢悚如臨深而履薄夕獲歸於都  
外宵未中而難作匪擇木以棲集藪林焚而鳥存遭  
千載之嘉會皇合德於乾坤施秋霜之嚴威流春澤  
之渥恩甄大義以明責反初服於私門皇鑒揆余之  
忠誠俄命余以末班牧疲人於西夏携老幼而入關  
丘去魯而顧嘆季過沛而涕零伊故鄉之可懷疚聖  
達之幽情矧匹夫之安土邈投身於鎬京猶犬馬之  
戀主竊託慕於闕庭眷輦洛而掩涕思纏縣於墳塋

爾乃越平樂過街郵秣馬臯門稅駕西周遠矣姬德  
興自高辛思文后稷厥初生民率西水滸化流岐豳  
祚隆昌發舊邦惟新旋牧野而歷茲愈守柔以執競  
夜申旦而不寐憂天保之未定惟泰山其猶危祀八  
百餘慶墜亡王之驕淫竄南巢以投命坐積薪以  
待然方指日而比盛人度量之乖舛何相越之遼迥  
考土中於斯邑成建都而營築既定鼎於郊廓遂鑽  
龜而啓繇平失道而來遷繫二國而是祐豈時王之  
無僻賴先哲以長懋望圉北之兩門感號鄭之細思

討子頹之樂禍尤闕西之效戾重戮帶以定襄弘大  
順以霸世靈壅川而止鬪晉演義以獻說谷景悼以  
迄丐政凌遲而彌季俾庶朝之構逆立兩王而干位  
踰十葉以逮赧邦分崩而爲二竟橫噬於虎口輸  
武之神罨澡孝水而濯纓嘉善名而在茲天赤子於  
新安坎路側而瘞之亭有千秋之號子無七旬之期  
雖勉勵於延吳實憮慟乎余慈眄山川以懷古悵攬  
轡於中途虐項氏之肆暴坑降卒之無辜激秦人以  
歸德成劉后之來蘇事洄沈而好還卒宗滅而身屠

經澠池而長想停余車而不進秦虎狼之強國趙侵  
弱之餘燼超入險而高會杖命世之英藺耻東瑟之  
偏鼓提西缶而接刃辱十城之虛壽奄咸陽以取雋  
出申威於河外何猛氣之咆勃入屈節於廉公若四  
體之無骨處智勇之淵偉方鄙吝之忿恚雖改日而  
易歲無等級以寄言當光武之蒙塵致王誅於赤眉  
異奉辭以伐罪初垂翅於廻烈不允肯以掩德終奮  
翼而高揮建佐命之元勳振白綱而更維登峭坂之  
威夷仰崇領之差我臯託墳於南陵文違風於北阿

襄哭孟以審敗襄墨縷而授戈曾隻輪之不及縶三  
帥以濟河值庸主之矜慢殆肆叔於朝市任好綽其  
餘裕獨引過以歸已明三敗而不黜卒凌晉以雪耻  
豈虛名之可立良致霸其有以降曲峭而憐號託與  
國於亡虞貪誘賂以賣鄰不及臘而就拘垂棘反於  
故國常產服於晉輿德不建而民無援仲雍之祀忽  
矣安陽言陟陝郛行乎漫瀆之口憇乎曹陽之  
墟美哉邈乎茲土之舊也固乃周召之所分二南之  
所交麟趾信於關雎騶虞應乎鵲巢愍漢氏之剥亂

流書門集卷一  
朝流亡以離析卓滔天以大滌劫官廟而遷迹俾萬  
乘之盛尊降遙思於征役顧請旋於淮汎既獲許而  
中惕追皇駕而驟戰望玉輅而縱鏑痛百寮之勤王  
咸畢力以致死分身首於鋒刃洞曾腋以流矢有褰  
裳以投岸或攘袂以赴水傷桴檝之褊小撮舟中之  
掬指并曲沃而惆悵惜兆亂而兄替替枝末大而本披  
都偶國而禍結滅札飄其高厲委曹吳而成節何莊  
武之無耻徒利開而義閉躡函谷之重阻看天險之  
襟帶跡諸侯之勇怯美嬴氏之利害或開關以延敵

競以奔竄有噤門而莫啟不窺兵於山外連雞  
互而不栖小國合而成大豈地勢之安危信人事之  
否泰漢六葉而拓畿縣弘農而遠關厭紫極之閑敞  
甘微行以遊盤長傲賓於柏谷妻親貌而獻餐疇匹  
婦其已泰胡厥夫之繆官昔明王之巡幸固清道而  
後往懼銜歷之或變峻徒御以誅賞彼白龍之魚服  
挂孫且之密網輕帝重於天下奚斯漸之可長弔戾  
困於湖邑諒遭世之巫蠱探隱伏於難明委讒賊之  
趙虜加顯戮於儲貳絕肌膚而不顧作歸來之悲臺

徒望思其何補紛吾旣邁此全節今又繼之以盤桓  
問休牛之故林感徵名於桃園發闕鄉而警策遡黃  
卷以濟潼眺華岳之陰崖覲高掌之遺蹤憶江使之  
反壁告亡期於祖龍不語恠以徵異我聞之於孔公  
愠韓馬之大憝阻谷口以稱亂魏武赫以霆震奉義  
辭以伐叛彼雖衆其焉用故制勝於廟算殄揚桴以  
振塵繯瓦解而水泮超遂遁而奔狄甲卒化爲京觀  
倦狹路之迫隘軌崎嶇以低仰蹈秦郊而始闢豁爽  
愷宏壯黃壤千里沃野彌望華實紛敷桑麻修暢邪  
界褒斜右濱汧隴寶雞前鳴甘泉後涌面終南而皆  
雲陽跨平原而連嶠冢九峻截薛太一龍巖吐清風  
之颺戾納歸雲之鬱翁南有玄灞素滄湯井溫谷北  
有清渭濁涇蘭池周曲浸決鄭白之渠漕引淮海之  
粟林茂有鄠之竹山挺藍田之玉班迷陸海珍蕪張  
叙神臯奧區此西賓所以言於東主安處所以聽於  
憑虛也可不謂然乎勁松彰於歲寒貞臣見於國危  
入鄭都而抵掌義桓友之忠規竭股肱於昏主赴塗  
炭而不移世善職於司徒緇衣弊而改爲履犬戎之

漢書卷一百一十一  
七  
侵地疾幽后之詭惑舉僞烽以沮衆淫嬖以縱愆軍  
敗戲水之上身死驪山之北赫赫宗周滅爲亡國又  
有繼於此者異哉秦始皇之爲君也傾天下以厚葬  
自開闢而未聞匠人勞而弗圖俾生理以報勤外離  
西楚之禍內受牧豎之焚語曰行無禮必自及此非  
其功欤乾坤以有親可久君子以厚德載物觀夫漢  
高之興也非徒聰明神武豁達大度而已也乃實慎  
終追舊篤誠款愛澤靡不漸恩無不逮率土且猶弗  
遺而况於鄰里乎於斯時也乃摹寫舊典製造新色

故社易置粉榆遷立街衢如一庭宇相襲渾雞犬以  
亂放各識家而競入藉含怒於鴻門沛跼踖而來至  
范謀害而不許陰授劍以約莊搦白刃以萬舞危冬  
葉之待霜履虎尾而不噬寔要伯於子房樊抗憤以  
卮酒咀彘肩以激揚忽蛇變而龍據雄霸上而高曠  
增遷怒而橫撞碎王斗其何傷嬰胷組於軹塗投素  
車而肉袒踈飲餞於東都畏極位之盛滿金墉鬱其  
萬雉峻嶒峭以繩直戾飲馬之陽橋踐宣平之清國  
都中雜遝戶千人億華夷士女駢闐逼側展名京之

初儀卽新館而蒞職勵疲鈍以臨朝勗自強而不息  
 於是孟春爰謝德覽餘日巡省農功周行廬室街里  
 蕭條邑居散逸營宇寺署肆廩管庫蕞芮於城隅者  
 百不處一所謂尚冠修城黃棘鮮明建陽昌陰北煥  
 南平皆夷漫滌蕩亡其處而有其名爾乃階長樂登  
 未央汎太液凌建章紫駮姿而欵駘盪轡杓詣而轢  
 承光徘徊桂宮惆悵柏梁鷲雉確於臺陂狐兔窟於  
 殿傍何黍苗之離<sub>七</sub>而余思之<sub>七</sub>苦<sub>七</sub>洪鐘頓於<sub>七</sub>殿<sub>七</sub>  
 乘風廢而弗<sub>七</sub>縣<sub>七</sub>禁<sub>七</sub>省<sub>七</sub>鞠<sub>七</sub>為<sub>七</sub>茂<sub>七</sub>草<sub>七</sub>金<sub>七</sub>狄<sub>七</sub>遷<sub>七</sub>於<sub>七</sub>霸<sub>七</sub>川<sub>七</sub>懷<sub>七</sub>夫

蕭曹魏邴之相辛李衛霍之將御使則蘇屬國震遠  
 則張博望教敷而彛倫序兵舉而皇威暢臨危而智  
 勇奮投命而高節亮暨乎稔侯之忠孝淳深陸賈之  
 優游宴喜長卿淵雲之文子長政駿之史趙張三王  
 之尹京定國釋之之聽理汲長孺之正直鄭當時之  
 稚士終童山東之英妙賈生洛陽之才子飛翠綏拖  
 鳴玉以出入禁門者衆矣或被髮左袵奮迅泥滓或  
 從容傳會望表知裏或著顯績而嬰時戮或有大才  
 而無貴任皆揚清風於上列垂令聞而不已想珮聲



之遺響若鏗鏘之在耳嘗音風恭顯之任勢也乃熏  
灼四方震耀都鄙而死之日曾不得與夫十餘公之  
徒隸齒名才難不其然乎望漸臺而扼腕梟巨滑而  
餘怒揖不疑於北闕軼樗里於武庫酒池鑿於商辛  
追覆車而不悟曲陽僭於白虎化奢淫而無度命有  
始而必終孰長生而久視武雄畧其焉在近惑文成  
而溺五利侔造化以制作窮山海之奧秘靈若翔於  
神島奔鯨浪而失水曝鱗骼於滂沙隕明月以雙墜  
擢仙掌以承露于雲漢而上至致邛蒟其奚難惟余

欲而是恣縱逸游於角觝絡甲乙以珠翠恣生民之  
減半勒東岳之虛美超長懷以遐念若循環而無賜  
較面朝之煥炳次後庭之猗靡壯當熊之忠勇深辭  
輦之明智衛鬢髮以光鑒趙輕體之纖麗咸善立而  
聲流亦寵極而禍侈津使門以右轉究吾境之所暨  
掩細柳而撫劔快孝文之命帥周受命以忘身明戎  
政之果毅距華蓋於壘和案乘輿之尊轡肅天威之  
臨顏率軍禮以長擡輕踈霸之見戲重條侯之倨貴  
索杜郵其焉在云孝里之前號惘輟駕而容與哀武

安以興悼爭伐趙以徇國定廟筭之勝負扞矢言而弗納反推怨以歸咎未十里於遷路尋賜劍以刎首嗟主闇而臣嫉禍於何而不有窺秦墟於渭城冀闕緬其堙盡覓殿陛之餘基裁岐岵以隱嶙想趙使之抱壁瀾睨楹以杭憤燕圖窮而荆發紛絕袖而自引筑聲厲而高奮狙潛鈇以脫臙據天位其若茲亦狼狽而可愍簡良人以自輔謂斯忠而鞅賢寄苛制於捐灰矯扶蘇於朔邊儒林填於坑穽詩書煬而爲煙國滅下以斷後身刑轅以啟先商法焉得以宿黃犬

何可復牽野蒲變而成脯苑鹿化以爲馬假讒逆以大權鉗衆口而寄坐兵在頸而顧問何不早而告我願黔黎其誰聽惟請死而獲可逮子嬰之果決敢討賊以紓禍勢土崩而莫振作降王於路左蕭收圖以相劉料險易於衆寡羽天與而弗取冠沐猴而縱火貫三光而洞九泉曾未足以喻其高下也感市閭之敢井嘆尸韓之舊處承屬號而守闕人百身以納贖豈生命之易投誠惠愛之洽著訐望之以來直亦余心之所惡思夫人之政術實幹時之良且苟明法以

釋憾不愛才以成務弘大體以高貴非所望於蕭傅  
 造長山而慷慨偉龍顏之英主胸中豁其洞開群善  
 奏而必舉存威格乎天區亡墳掘而莫禦臨掩坎而  
 累抃步毀垣以延佇越安陵而無機諒惠聲之寂寞  
 弔爰絲之正儀伏梁劍於東郭訊景皇於陽丘奚信  
 諧而矜謔殞吳嗣於局下蓋發怒於一博成七國之  
 稱亂翻助逆以誅錯恨過聽而無討茲沮善而勸惡  
 比孝元於渭瑩執奄尹以明貶褒夫君之善行廢園  
 邑以崇儉過延門而責成忠何辜而為戮陷社稷之  
 王章俾幽死而莫鞠怙淫嬖之凶忍勦皇統之孕育  
 張舅氏之姦漸貽漢宗以傾覆刺哀主於義域偕天  
 爵於高安欲法堯而承禪永終古而不刊瞰康園之  
 孤墳悲平后之專絜殃厥父之篡逆蒙漢恥而不雪  
 激義誠而引決赴丹爛以明節投宮火而焦糜從灰  
 燹而俱滅驚橫橋而旋軫歷救邑之南垂門礎石而  
 梁木蘭兮構阿房之屈竒䟽南山以表闕倬樊川以  
 激池役鬼傭其猶否矧人力之所為工徒斲而未息  
 義兵紛以交馳宗祧汙而為沼豈斯宇之獨隳由偽

新之九廟誇宗虞而祖黃驅吁嗟而妖臨搜佞哀以  
拜郎誦六經以飾姦焚詩書而面墻心不則於德義  
雖異術而同亡宗孝宜於樂遊紹衰緒以中興不獲  
事於敬養盡加隆於園陵兆惟奉明邑號千人訊諸  
故老造自帝詢隱王母之非命縱聲樂以娛神雖靡  
率於舊典亦觀過而知仁憑高望之陽隈體川陸之  
污隆開襟乎清暑之館遊目乎五祚之宮交渠引漕  
激湍生風乃有昆明池乎其中其池則湯湯汗汗滉  
漾瀾漫浩如河漢日月麗天出入乎東西且似腸谷

夕類虞淵昔豫章之名宇披玄流而特起儀景星於  
天漢列牛女以雙峙圖萬載而不傾奄摧落於十紀  
擢百尋之層觀今數仞之餘址振鷺于飛鳧躍鴻漸  
乘雲頡頏隨流澹淡灑灑驚波唼唼菱芡華蓮爛於  
綠沼青蕃蔚乎翠湫伊茲池之肇穿肄水戰于於荒  
服志勤遠以極武良無要於後福而菜蔬芼實水物  
惟錯乃有瞻乎原陸在皇代而物土故毀之而又復  
凡厥寮司既富而教咸帥貧惰同整檝擢故畧課獲  
引繳舉效鰥夫有室愁民以樂徒觀其鼓柷迴綸灑

鈞投網垂餌出入挺杵來往織經連白鳴根厲響貫  
鰓罗尾掣三牽兩於是弛青鯤於網鉅解頰鯉於黏  
微華魴躍鱗素鯁揚鬣雍人縷切鸞刀若飛應刃落  
俎霍霍霏霏紅鮮紛其初載賓旅竦而遲御既餐服  
以屬厭泊恬靜以無欲迴小人之腹為君子之慮爾  
乃端策拂茵彈冠振衣徘徊豐鎬如渴如饑心翹慙  
以仰止不加敬而自祗豈三聖之敢夢竊十亂之或  
希經始靈臺成之不日惟豐及鄙仍京其室庶人子  
來神降之吉積德延祚莫貳其一求惟此邦云誰之  
職越可略聞而難臻其極子嬴鋤以借父訓秦法而  
著色耕讓畔以閑田沾姬化而生棘蘇張喜而詐騁  
虞芮愧而訟息由此觀之士無常俗而教有定式上  
之遷下猶鈞之埏埴雖五方雜會風流溷淆情農好  
利不昏作勞密邇獫狁戎馬生郊而制者必割實存  
操刃人之升降隨政隆替仗信則莫不用情無欲則  
賞之不竊雖智不能理明不能察信此心也庶免失  
戾如其禮樂以俟來哲

潘黃門集卷第二

晉 東平潘 岳著

明 河東呂兆禧校

賦二

藉田賦

伊晉之四年正月丁未皇帝親率羣后藉於千畝之  
甸禮也於是乃使甸師清畿野廛掃路封人壝宮掌  
舍設栝青壇蔚其嶽立兮翠幙翬以雲布結崇基之  
靈趾兮啟四塗之廣阼沃野墳岫以膏壤平底清洛濁

渠引流激水退阡繩直邇陌如矢葱牾服於縹輓兮  
緝轅綴於黛耜儼儲駕於廛左兮俟萬乘之躬履百  
僚先置位以職分自上下下具惟命臣襲春服之淒  
淒接兮游車之麟麟微風生於輕幃兮織埃起於朱  
輪森奉奉璋以階列兮望皇軒而肅震若湛露之晞  
朝陽兮衆星之拱北辰也於是前驅魚麗屬車鱗萃  
閭闔洞起參塗方駟常伯陪乘太僕秉轡后妃獻種  
稜之種司農撰播殖之噐挈壺宰升降之節宮正設  
門閭之蹕天子乃御玉輦蔭華蓋衝牙鉦鎗綃紈綵  
繚金根照耀以烟晃兮龍驥騰驤而沛艾表朱玄於  
離坎飛青縞於震兌中華曄以發暉兮綵紛其繁會  
五輅鳴鑾九旗揚旒瓊斂入蕪雲早曉藹簫管嘲啞  
以啾嘈兮鼓鞞砉隱以砰礚筍虞疑以軒翥兮洪鍾  
越乎區外震震填填塵驚連天以幸乎藉田蟬冕頰  
以灼灼兮碧色肅其芊芊似夜光之剖荆璞兮若茂  
松之依山巔也於是我皇乃降靈壇撫御耦游場染  
屨洪縻在手三推而舍庶人終畝貴賤以班或五或  
九于斯時也居靡都鄙民無華裔長幼雜選以交集

士女頌斌而咸戾被褐振裾垂髻總髻躡踵側肩倚裳連袂黃塵爲之四合兮陽光爲之潛翳動容發音而觀者莫不抃舞乎康衢謳吟乎聖世情欣樂乎昏作兮慮盡力乎樹藝靡推督而常勤兮莫之課而自勵躬先勞以悅使兮豈嚴刑而猛制哉有邑老田父或進而稱曰蓋損益隨時理有常然高以下爲基民以食爲天正其末者端其本善其後者慎其先夫九土之宜弗任四人之務不一野有菜蔬之色朝靡代耕之秩無儲蓄以虞災徒望歲以自畢三季之衰皆此物也今聖上昧旦丕顯夕惕若慄圖匱於豐防儉於逸欽哉欽哉惟穀之恤展三時之弘務致倉廩於盈溢固堯湯之用心而存救之要術也若乃廟祧有事祝宗諏日簠簋普淖則此之自矣縮鬯蕭茅又於是乎出黍稷馨香旨酒嘉粟宜其民和年登而神降之吉也古人有言曰聖人之德無以加於孝乎夫孝者天地之性人之所由靈也昔者明王以孝理天下其或繼之者鮮哉希矣逮我皇晉實光斯道儀刑乎於萬國愛敬盡於祖考故躬稼以供粢盛所以致孝



也勸稼以足百姓所以固本也能本而孝盛德大業  
至矣哉此一役也而二美具焉不亦遠乎不亦重乎  
敢作頌曰思樂旬畿薄採其茅大君戾止言藉其農其  
農三推萬方以祉祿我公田實及我私我簠斯盛我簋  
斯粢我倉如陵我庾如坻念茲在茲永言孝思民力普  
存祝史正辭神祇攸歆逸豫無期一人有慶兆民賴之

秋興賦

并序

晉十有四年余春秋三十二始見二毛以太尉掾  
兼虎賁中郎將寓直於散騎之省高閣連雲陽景  
罕曜珥蟬冕而襲紈綺之士此焉遊處僕野人也  
偃息不過茅屋茂林之下談話不過農夫田父之  
客攝官承乏猥廁朝列夙興宴寢匪遑底寧譬猶  
池魚籠鳥有江湖山藪之思於是染翰操紙慨然  
而賦於時秋也故以秋興名篇辭曰

四時忽其代序兮萬物紛以廻薄覽花蔕之時育兮  
察盛衰之所託感冬索而春敷兮嗟夏茂而秋落雖  
未事之榮悴兮伊人情之美惡善乎宋玉之言曰悲  
哉秋之爲氣也蕭瑟兮草木搖落而變衰慘悽兮若

在遠行登山臨水送將歸夫送歸懷慕徒之戀兮遠  
行有羈旅之憤臨川感流以歎逝兮登山懷遠而悼  
近彼四感之疚心兮遭一塗而難忍嗟秋日之可哀  
兮諒無愁而不盡野有歸鴈隰有翔隼游氛朝興稿  
葉夕隕於時乃屏輕箑釋織絺藉莞莢御袷衣庭樹  
撼以灑落兮勁風疾而吹帷蟬噫噫以寒吟兮鴈飄  
飄而南飛天晃朗以彌高兮日悠陽而浸微何微陽  
之短晷覺良夜之方未月朦朧以含光兮露淒清以  
凝冷熠燿粲於階闥兮蟋蟀鳴乎軒屏聽離鴻之晨  
吟兮望流火之餘景宵耿介而不寐兮獨展轉於華  
省歲悟時之道盡兮慨俛首而自省斑髮彪以承弁  
兮素髮颯以垂領仰羣雋之逸軌兮攀雲漢以遊騁  
登春臺之熙熙兮珥金貂之炯苟趣舍之殊途兮庸  
詎識其躁靜聞至人之休風兮齊天地於一指彼知  
安而忘危兮固出生而入死行投趾於容跡兮殆不  
踐而獲底闕側足以及泉兮雖猴猿而不履龜祀骨  
於宗祧兮思反身於綠水且歛衽以歸來兮忽投紱  
以高厲耕東臯之沃壤兮輸黍稷之餘稅泉涌湍於

潘黃門集卷二  
石間兮菊揚芳乎崖  
澗澗兮秋水之涓涓  
今玩游儵之  
澌澌逍遙乎山川之  
阿放曠乎人間之世  
優哉游哉  
聊以卒歲

閑居賦  
弁序

岳嘗讀汲黯傳至司馬安四至九卿而良史題之  
以巧宦之目未嘗不慨然廢書而歎曰嗟乎巧誠  
有之拙亦宜然顧常以爲士之生也非至聖無軌  
微妙玄通者則必立功立事効當年之用是以資  
忠履信以進德修辭立誠以立業少竊鄉曲之譽

忝司空太尉之命所奉之主卽太尉魯武公其人  
也舉秀才爲郎逮事世祖武皇帝爲河陽懷令尚  
書郎廷尉平今天子諒闇之際領太傅主簿府主  
誅除名爲民俄而復官除長安令遷博士未召拜  
親疾亟去官免自弱冠涉乎知命之年八徙官而  
一進階再免一除名一不拜職遷者三而已矣雖  
通塞有遇抑亦拙者之效也昔通人和長輿之論  
余也固謂拙於用多稱多則吾豈敢言拙信而有  
徵方今俊又在官百工惟時拙者可以絕意乎寵

榮之事矣太夫人在堂有羸老之疾尚何能違膝  
下色養而屑屑從斗筲之役乎於是覽止足之分  
庶浮雲之志築室種樹逍遙自得池沼足以漁釣  
春稅足以代耕灌園鬻蔬以供朝夕之膳牧羊酤  
酪以俟伏臘之費孝乎惟孝友於兄弟此亦拙者  
之爲政也乃作閑居之賦以歌事遂情焉其辭曰  
傲墳素之長圃步先哲之高衢雖吾顏之云厚猶內  
愧於甯蘧有道吾不仕無道吾不愚何巧智之不足  
而拙艱之有餘也於是退而閑居于洛之埃身齊逸  
民名綴下士陪京泝伊面郊後市浮梁黜以徑度靈  
臺傑其高峙窺天文之秘奧究人事之終始其西則  
有元戎禁營玄幙綠微谿子巨黍異秦同機礮石雷  
駁激矢蚩飛以先啓行耀我皇威其東則有明堂辟  
雍清穆敞閑環林縈映圓海迴淵聿追孝以嚴父宗  
文考以配天祇聖敬以明順養更老以崇年若乃背  
冬陰謝陽施天子有事於柴燎以郊祖而展義張鈞  
天之廣樂備千乘之萬騎服振振以齊玄管啾啾而  
並吹煌煌乎隱隱乎茲禮容之壯觀而王制之巨麗

也兩學齊列雙宇如一右延國胄左納良逸祈祈生  
徒濟濟儒術或升之堂或入之室教無常師道在則  
是故髦士投紱名王懷璽訓若風行應如草靡此里  
仁所以爲美孟母所以三遷也爰定我居築室穿池  
長楊映沼芳枳樹籬遊鱗灑澗菡萏敷披竹木蒼藹  
靈果參差張公大谷之梨梁侯烏桺之柿周文弱枝  
之棗房陵朱仲之李靡不畢殖三桃表櫻胡之別二  
柰曜丹白之色石榴蒲陶之珍磊落蔓衍乎其側梅  
杏郁棗之屬繁縈麗藻之飾華實照爛言所不能及  
也菜則葱韭蒜芋青筍紫薑董薺芥甘旨蓼萎芬芳藟  
荷依陰時藿向陽綠葵含露白薤負霜於是凜秋暑  
退熙春寒往微雨新晴六合清明太夫人乃御板輿  
升輕軒遠覽王畿近周家園體以行和藥以勞官嘗  
膽載加舊痾有痊席長筵列孫子柳垂陰車結軌陸  
摘紫房水挂蘋鯉或宴於林或禊于汜昆弟斑白兒  
童稚齒稱萬壽以獻觴咸一懼而一喜壽觴舉慈顏  
和浮杯樂飲絲竹駢羅頓足起舞抗音高歌人生安  
樂孰知其他退求已而自省信用薄而才劣奉周任

潘黃門集卷二  
之格言敢陳力而就列幾陋身之不保尚奚擬於明  
哲仰衆妙而絕思終優游以養拙

悼亡賦

伊良嬪之初降幾二紀以迄茲遭兩門之不造備荼  
毒而嘗之嬰生艱之至極又薄命而早終含芬華之  
芳烈翩零落而從風神飄忽而不反形安得而久安  
襲時服於遺質表鈿華於餘顏問筮賓之何期霄過  
分而參闌詎幾時而見之日眷戀以相屬聽轍人之  
唱筮來聲叫以連續聞冬夜之恒長何此夕之一促  
且伉儷之片合垂明哲乎嘉禮苟此義之不謬乃全  
身之半體吾聞喪禮之在妻謂制重而哀輕既履水  
而知寒吾今信其緣情夕既昏兮朝既清延爾族兮  
臨後庭入空室兮望靈座帷飄飄兮燈熒熒燈熒熒  
兮如故帷飄飄兮若存物未改兮人已化饋生塵兮  
酒停樽春風兮泮冰初陽兮戒溫逝道遙兮浸遠嗟  
煢煢兮孤覓

懷舊賦

并序

余十二而獲見於父友東武戴侯揚君始見知名

遂申之以婚姻而道元公嗣亦隆世親之愛不卑  
短命父子凋殞余既有私艱且尋役於外不歷嵩  
丘之山者九年于茲矣今而經焉慨然懷舊而賦  
之曰

啓開陽而朝邁濟清洛以徑度晨風淒以激冷夕雪  
暘以掩路轍含冰以滅軌水漸軻以凝沍塗艱屯其  
難進日晡晚而將暮仰晞歸雲俯鏡泉流前瞻太室  
傍眺嵩丘巖巖雙表列列行楸旣興慕於戴侯亦悼  
元而哀嗣墳纍纍以接隴栢森森以攢植何逝沒之

相尋曾舊草之未異余總角而獲見承戴侯之清塵  
名余以國士眷余以嘉姻自祖考而隆好逮二子而  
世親歡携手以偕老庶報德之有隣今九載而一來  
空館闐其無人陳芟被於堂除舊圃化而爲薪步庭  
廡以徘徊涕泫流而霑巾宵展轉而不寐驟長嘆以  
達晨獨鬱結其誰語聊綴思於斯文

寡婦賦 弁序

樂安任子咸有韜世之量與余少而歡焉雖兄弟  
之愛無以加也不幸弱冠而終良友旣沒何痛如

之其妻又吾姨也少喪父母適人而所天又殞孤  
女藐焉始孩斯亦生民之至艱而荼毒之極哀也  
昔阮瑀既沒魏文悼之並命知舊作寡婦之賦余  
遂擬之以叙其孤寡之心焉其辭曰

嗟余生之不造兮哀天難之匪忱少伶俜而偏孤痛  
忉怛以摧心覽寒泉之遺歎兮詠蓼莪之餘音情長  
感以永慕兮思彌遠而逾深伊女子之有行兮爰奉  
嬪於高族承慶雲之光覆兮荷君子之惠渥願葛藟  
之蔓延兮託微莖於樛木懼身微而施重兮若履冰  
而臨谷遵義方之明訓兮憲女史之典戒奉蒸嘗以  
效順兮供灑掃以彌載彼詩人之攸歎兮徒願言而  
心癢何遭命之奇薄兮遘天禍之未悔榮華燁其始  
茂兮良人忽以捐背靜闔門以窮居兮塊然獨而靡  
依易錦茵以苦席兮代羅幃以素帷命阿保而就列  
兮覽巾箠以舒悲口嗚咽以失聲兮淚橫迸而霑衣  
愁煩究其誰告兮提孤孩於坐側時曖曖以向昏兮  
日杳杳以西匿雀群飛而赴楹兮雞登棲而斂翼歸  
空館而自憐兮撫衾裯而嘆息思纏綿以瞀亂兮心



摧傷以愴惻曜靈曄而遙邁兮四節運而推移天凝  
露以降霜兮木葉落而墮枝仰神宇之寥寥兮瞻靈  
衣之披披退幽悲於堂隅兮進獨拜於林垂耳傾想  
於疇昔兮目彷彿乎平素雖冥冥而罔覲兮猶依依  
以憑附痛存亡之殊制兮將遷神而安厝龍輻儼其  
星駕兮飛旒翻以啟路輪按軌以徐進兮馬悲鳴而  
跼頤潛靈邈其不反兮殷憂結而靡訴晞形影於几  
筵兮馳精爽於丘墓自仲秋而在疚兮踰履霜以踐  
冰雪靡靡而驟落兮風瀏瀏而夙興雷泠泠而夜下  
兮水漣漣以微凝意惚恍以遷越兮神一夕而九升  
庶浸遠而哀降兮情惻惻而彌甚願假夢以通靈兮  
日炯炯而不寢夜漫漫以悠悠兮寒淒淒以凜凜氣  
憤薄而乘胸兮涕交橫而流枕亡蒐逝而永遠兮時  
歲忽其道盡容貌僵以頓顛兮左右淒其相慙感三  
良之殉秦兮其捐生而自引鞠稚子於懷抱兮嗟低  
徊而不忍獨指景而心誓兮雖形存而志殞重日仰  
皇穹兮嘆息私自憐兮何極省微身兮孤弱願稚子  
兮未識如涉川兮無梁若凌虛兮失翼上瞻兮遺像

潘黃門集卷之二  
下臨兮泉壤窈冥兮潛翳心存兮目想奉虛坐兮肅  
清朔空宇兮曠朗廓孤立兮顧影塊獨言兮聽響顧  
影兮傷摧聽響兮增哀遙逝兮逾遠緬邈兮長乖四  
節流兮忽代序歲云暮兮日西頽霜被庭兮風入室  
夜既分兮星漢廻夢良人兮來遊若閭闔兮洞開怛  
驚悟兮無聞超愴况兮慟懷慟懷兮柰何言陟兮山  
阿墓門兮蕭蕭修隴兮峨峨孤鳥嚶兮悲鳴長松萋  
兮振柯哀鬱結兮交集淚橫流兮滂沱蹈恭姜兮明  
誓詠栢舟兮忽清歌伐終歸骨於山足存憑託兮餘華要  
吾君兮同穴之死矢兮靡佗

此卷自悼以外皆據六朝卷子本文選校云

潘黃門集卷第二終

潘真門集卷第三

晉 束牟潘 岳著

明 河東呂兆禧校

賦三

登虎牢山賦

辭京輦兮遙邁將遠遊兮東夏朝發軔兮帝壙夕結  
軌兮中野憑修坂兮停車臨寒泉兮飲馬眷故鄉之  
遼隔思紆軫以鬱陶步玉趾以升降降凌汜水兮登  
虎牢覽河洛之二川眺成平之雙臯崇嶺馬騶以崔翠

幽谷豁以寥寥路逶迤以迫隘林廓落以蕭條爾乃  
仰蔭嘉木俯藉芳卉青煙鬱其相望棟宇標以鱗萃  
彼登山而臨水因先喆之所哀矧去鄉而離家邈長  
辭而遠垂望歸雲以歎息腸一日而九迴良勞者之  
詠事爰寄言以表懷

滄海賦

徒觀其狀也則湯湯蕩蕩瀾蕩形沈流沫千里懸水  
萬丈測之莫量其深望之不見其廣無遠不集靡幽  
不通群谿俱息萬流來同含三河而納四瀆朝五湖  
而夕九江陰霖則興雲降雨陽霽則吐霞曜日煮水  
而鹽成剖蚌而珠出其中有蓬萊名嶽青丘竒山阜  
陵別島嶼環其間其山則螺崖鬼崕嵯峨降屈拔滄  
流以特起擢崇基而秀出其魚則有吞舟鯨鯢鮪鯀  
龍鬚蜂目豺口狸班雉軀恠體異名不可勝圖其虫  
獸則素蛟丹虬元龜靈鼉脩龜巨鼈紫貝騰蛇玄螭  
蚴虬赤龍焚蘊遷體改角推舊納新舉扶搖以抗翼  
泛陽侯以濯鱗其禽鳥則鷗鴻鷓鴣鴛鴦鵠鵠朱背  
焯焯縹翠葱菁詳察波浪之來往遍聽奔激之音響

力勢之所迴薄潤澤之所彌廣普天之極大橫率土而莫兩

狹室賦

歷甲第以遊觀旋陋巷而言歸伊余館之褊狹良窮弊而極微閣了戾以互掩門崎嶇而外扉室側戶以攢楹檐接拒而交榱當祝融之御節熾朱明之隆暑沸體怒其如鑠珠汗揮其如雨若乃重陰晦冥天威震曜漢潦沸騰叢溜奔激白竈爲之沉溺噐用爲之浮漂彼處貧而不怨嗟生民之收難匪廣廈之足榮有切身之近患青陽萌而畏暑白藏兆而懼寒獨味道而不悶喟然向其時歎

笙賦

河汾之寶有曲沃之懸匏焉鄒魯之珍有汶陽之孤篠焉若乃縣蔓紛敷之麗浸潤靈液之滋隅隈夷險之勢禽鳥棲集之嬉固衆作者之所詳余可得而畧之也徒觀其制噐也則審洪纖面短長別生籥裁熟簧設宮分羽經徵列商泄之反謚厭焉乃揚管攢羅而表列音要妙而含清各守一以司應統大魁以爲

笙基黃鍾以舉韻望儀鳳以擢形寫皇翼以插羽摹  
鸞音以厲聲如鳥斯企翾翾岐岐明珠在味若銜若  
垂脩櫓內辟餘蕭外透駢田獵擺鯽鯨參差於是乃  
有始泰終約前榮後悴激憤於今賤未懷乎故貴衆  
滿堂而飲酒獨向隅而掩淚援鳴笙而將吹先嘔噦  
以理氣初雍容以安暇中拂鬱以怫悒終嵬峩以蹇  
諤又颯還而繁沸罔浪孟以惆悵若欲絕而復肆慟  
慟羅以奔邀似將放而中匱愀愴惻滅虺韓煜熠汎  
淫汜豔雪燁岌岌或案衍夷靡或竦勇剽急或既往  
不反或已出復入徘徊布護渙衍葺襲舞既蹈而中  
輟節將撫而不及樂聲發而盡室歡悲音奏而列坐  
泣攝纖翮以震幽黃越土箎而通下管應吹噏以往  
來隨抑揚以虛滿勃慷慨以膠亮願躊躇以舒緩輟  
張女之哀彈流廣陵之名散詠桃園之天天歌棗下  
之纂纂歌曰棗下纂纂朱實離離宛其死矣化爲枯  
枝人生不能行樂死爲以虛謚爲爾乃引飛龍鳴鷓  
雞雙鴻翔白鶴飛子喬輕舉明君懷歸荆王喟其長  
吟楚妃歎而增悲夫其悽唳辛酸嚶嚶關關若離鴻

之鳴子也含啾啾諧雍雍喈喈若羣鷓之從母也郁  
將劫悟泓宏融喬哇咬嘲哲壹何察惠訣厲悄切又  
何鏜折若夫時陽初暖臨川送離酒酣徒擾樂闋日  
移踈客始闌主人微疲弛絃韜籥徹塤屏箎爾乃促  
中筵携友生解嚴顏擢幽情披黃苞以授甘傾縹瓷  
以酌醴光妓儼其階列雙鳳嘈以和鳴晉野悚而投  
琴况齊瑟與秦箏新聲變曲竒韻橫逸縈纏歌鼓網  
羅鐘律爛熠爚以放豔鬱蓬勃而氣出秋風詠於燕  
路天光重於朝日大不踰宮細不過羽唱發章夏導  
揚韶武協和陳宋混一齊楚邇不逼而遠無攜聲及  
文而節有序彼政有失得而化以醇薄樂所以移風  
於善亦所以易俗於惡故絲竹之器未改而桑濮之  
流已作惟簧也能研羣聲之清惟笙也能總衆清之  
林衛無所措其邪鄭無所容其淫非天下之和樂不  
易之德音其孰能與于此乎

相風賦

混元恍其初判二氣變而無窮動靡微而不兆象有  
始而必終思先天而不違立成器以相風棲靈鳥於

帝庭似月離乎紫宮飛輕羽於竿杪若鸞翔乎雲中  
廣莫興而習坎景風發而遡離間闔揚而曲指明庶  
起而東移

射雉賦

并序 此篇朱筆用唐卷子本文選校

余徙家於琅琊其俗實善射聊以講肄之餘暇而  
習媒翳之事遂樂而賦之也

涉青林以遊覽兮樂羽族之羣飛聿采毛之英麗兮  
有五色之名翬厲耿介之專心兮麥雄豔之嫵姿巡  
丘陵以經畧兮畫墻衍而分畿於是青陽告謝朱明

肇授靡木不滋無草不茂初莖蔚其耀新陳柯撼以  
改舊天泱泱以垂雲泉涓涓而吐溜麥漸漸以擢芒  
雉鳴嚶而朝雉眄箱籠以揭驕睨驍媒之變態奮勁  
散以角槎隣悍目以旁睠鶯綺翼而頰搗灼繡頸而  
袞背鬱軒翥以餘怒思長鳴以効能爾乃擊揚拄翳  
停僮葱翠綠栢參差文翻鱗次蕭森繁茂婉轉輕利  
裊料戾以徹鑿表厭躡以密緻恐吾游之晏起慮原  
禽之罕至甘疲心於企想分倦目以寓視何調翰之  
喬傑邈疇類而殊才侯翳舉而清叫野聞聲而應媒



褰微罟以長跳已踉蹌而徐來摘朱冠之葩赫敷藻  
 翰之陪鰓首葯綠素身柁黼繪青鞞莎靡丹臆蘭綵  
 或蹶或啄時行時止斑尾揚翹雙角特起良遊呢啞  
 引之規裏應叱愕立擢身竦峙捧黃間以密殼屬剛  
 挂以潛擬倒禽紛以迸落機聲振而未已山驚悍害  
 焮迅已甚越壑凌岑飛鳴薄廩擊牙低鏃心平望審  
 毛體摧落霍若碎錦逸羣之儻擅場挾兩櫟雌妬異  
 倏來忽往忌上風之餐切畏映日之儻朗屏發布而  
 累息徒心煩而伎憐伊義鳥之應機啾攫地以厲響

善本作  
 注云當作  
 善本作  
 善本作

彼聆音而逕進忽交距以接壤彤盈臆以美發紛首  
 頽而臆仰或乃崇墳夷靡農不易壠穉菽叢糝翳蒼  
 奉茸鳴雄振羽依於其冢降丘以馳敵雖形隱而草  
 動瞻挺穉之傾掉意淦躍以振踊噉出苗以入場愈  
 情駭而悚望 廩合而翳晶雉挾肩而旋踵欣念志  
 之精銳擬青顛而點項亦有目不步體邪睡旁剔靡  
 聞而驚無見自鷲周環迴復繚繞盤辟戾翳旋把縈  
 隨所歷彳亍中輟馥焉中鏑前刳重膺傍截疊翮若  
 夫多疑少決膽裂心狷內無固守出不交戰來若處

子去如激電闕問藟葉慎歷乍見於是筭分銖商遠  
邇撥懸力騁絕伎如轆如軒不高不埤當味值曾裂  
膝破背夷險殊地馴麓異變具不暇食夕不告勸昔  
賈氏之如皋始解顏於一箭醜夫為之改貌憾妻為  
之釋怨彼遊田之致獲咸乘危以馳駮何斯藝之安  
逸嗟禽從其已豫清道而行擇地而住尾飾鑿而在  
服肉登俎而永御豈唯皂隸此焉君舉若乃耽盤流  
遁放心不移忘其身恤司其雄雌樂而無節端操或  
虧此則老氏之所誠而君子之所不為也

螢火賦

羽太陰之玄昧抱夜光以清遊類若飛電之宵逝噫  
似移星之雲流動集陽暉灼如隋珠熠熠熒熒若丹  
英之照葩飄飄頰頰若流金之在沙載飛載止光色  
孔嘉無聲無臭明影暢遐軟朝霞於曠野庇一葉之  
垂柯無干欲於萬物豈顧惜于網羅至夫重陰之夕  
風雨曠曠萬物眩惑翩翩獨征竒姿燎朗在陰益榮  
猶賢哲之處時時昏昧而道明若蘭香之在幽越群  
臭而彌聲隨陰陽以飄飄非飲食之是營問螽斯之

御覽見九百四十  
五引文字不同  
類若飛電之宵  
遊如移星之  
雲流動集陽  
暉灼如隋珠  
熠熠熒熒若  
丹英之照葩  
飄飄頰頰若  
流金之在沙  
載飛載止光  
色孔嘉無聲  
無臭明影暢  
遐軟朝霞於  
曠野庇一葉  
之垂柯無干  
欲於萬物豈  
顧惜于網羅  
至夫重陰之  
夕風雨曠曠  
萬物眩惑翩  
翩獨征竒姿  
燎朗在陰益  
榮猶賢哲之  
處時時昏昧  
而道明若蘭  
香之在幽越  
群臭而彌聲  
隨陰陽以飄  
飄非飲食之  
是營問螽斯  
之

無忌希夷惠之清貞羨微虫之琦瑋援形筆以為銘

河陽庭前安石榴賦 并序

石榴者天下之奇樹九州之名果也是以屬文之

士叙而賦之 此序據菴文類聚乃潘尼所作

仰天路而高睇顧隣國以相望位莫微於宰邑館莫  
陋于河陽雖小縣陋館可以遨遊實有嘉木曰安石  
榴修條外暢榮幹內侈扶疎偃蹇再弱紛柔於是暮  
春告謝朱夏戒初新莖擢潤膏身垂腴曾華曄以先  
越含榮鶉其方敷丹暉綴於朱房細的點乎紅鬚煌

煌燁燁熠燿委累似琉璃之棲鄧林若珊瑚之映綠  
水光明燐爛含丹耀紫味滋芳神色麗瓊蕊遙而望  
之煥若隋珠耀重淵詳而察之灼若列星出雲間汁  
房同模千子如一御渴療饑解醒止醉既乃攢乎狹  
庭載阨載褊土階無等肩牆惟淺壁衣蒼苔瓦被駁  
鮮處悴而榮在幽彌顯其華可玩其實可珍羞于王  
公薦于鬼神豈伊不陋用渝厥貞菓猶如之而况於人

橘賦 并序

余齋前橘樹冬夏再熟聊為賦云爾

嗟嘉卉之芬華信氛氲而芬馥既翦葺而萎蕤且參  
差而櫛蠹已鬱鬱而冬茂亦離離而夏熟至如廣命  
賓客歷覽遊觀三清既設百味星爛炫燿乎玉案照  
曜於金盤故成都美其家園江陵重其千樹既見稱  
於陸言亦標名乎馬賦

蓮花賦

偉玄澤之普衍嘉植物之並敷遊莫美于春臺華莫  
盛于芙蕖於是惠風動冲氣和眄清池既蓮花舒綠  
葉挺纖阿結綠房列紅葩仰含清液俯濯素波脩柯  
婀娜柔莖苒蒨流風徐轉迴波微激其望之也擘若  
繳日燭崑山其節之也晃若盈尺映藍田

芙蓉賦

蔭蘭池之豐沼育沃野之上腴課衆榮而北觀煥卓  
竿而獨殊神膈雲布宙咤星羅光擬燭龍色奪朝霞  
丹輝拂紅飛鬚垂的斐斐色赫散煥熠燿流芬賦采  
風靡雲旋布濩磊落蔓衍天閑發清陽而增媚潤白  
玉而加鮮

秋菊賦

此篇一作潘尼

垂采煒於芙蓉流芳越乎蘭林遊女望榮而巧笑鵷  
鵠遙集而弄音若乃真人採其實王母接其皞或充  
虛而養氣或增妖而揚娥既延期以求壽又蠲疾而  
弭痾

